

**13. fundur í Samráðsnefndar Tálknafjarðarhrepps og Vesturbyggðar haldinn mánudaginn 25. júní 2007 á skrifstofu Tálknafjarðarhrepps kl. 17.00**

**Mættir:** Eyrún Ingibjörg Sigþórsdóttir formaður, Bragi Geir Gunnarsson, Arnheiður Jónsdóttir, Guðmundur Ingbór Guðjónsson (fyrir Úlfar B.Thoroddsen), Þuríður Ingimundardóttir (fyrir Jón B.G. Jónsson), og Ragnar Jörundsson bæjarstjóri Vesturbyggðar sem jafnframt ritaði fundargerð.

**Dagskrá:**

**1. Eignarhaldsf. Brunabótaf. Íslands.**

Bréf dagsett 30. mars 2007 þar sem óskað er eftir tilnefningu Samráðsnefndar sveitarfélaganna í fullrúaráð EBÍ einn aðmann og annan til vara og lagt fram bréf frá EBÍ þar sem boðað er til aðalfundar félagsins þann 5. október nk. Skipa þarf sameiginlegan fulltrúa (héraðsnefndar) á aðalfundinn. Tillaga kom fram um Guðna Ólafsson varaoddvita Tálknafjarðarhrepps sem aðmann og Nönnu Á. Jónsdóttur bæjarfulltrúa Vesturbyggðar sem varamann með fyrirvara um samþykki hennar. Samþykkt samhljóða.

**2. Menningarráð Vestfjarða**

Vesturbyggð tilnefndi sinn fulltrúa skv. eftirfarandi bókun bæjarráðs 24.maí sl:  
"Erindi frá FSV þar sem óskað eftir tilnefningu í stjórn Menningarráðs Vestfjarða eftir að fækkað var úr 9 í 7 stjórnarmenn. Tillaga kom fram um að Leifur Ragnar Jónsson verði aðalmaður í ráðinu. Samþykkt."

Lagt er til að samþykkt Vesturbyggðar standi. Samþykkt samhljóða. Tillaga um að Ingólfur Kjartansson Tálknafirði verði varamaður. Samþykkt samhljóða.

**3. Minjasafn Egils Ólafssonar að Hnjóti.**

- ✓ 67. fundargerð safnsins frá 22. apríl 2007 lögð fram til kynningar.
- ✓ Ráðningarsamningur við forstöðumann safnsins lagður fram.
- ✓ Rætt um að nauðsynleg sé að eiga fund með stjórn safnsins vegna ýmissa mála varðandi Minjasafn Egils Ólafssonar og Flugminjasafnið.

**4. Framhaldsskóladeildin á Patreksfirði.**

Bæjarstjóri Vesturbyggðar upplýsti um framkvæmdastöðu í húsnæði deildarinnar. Þar kom fram að búið er að mála að mestu leyti, gólfdukur kominn, allar lagnir og ofnar komnir á sinn stað. Verið er að setja upp milliveggi. Ef áætlun stenst, er vonast til að verkinu ljúki um 20. júlí nk. Skv. tölvubréfi frá verkefnisstjóra framhaldsskóladeildarinnar, Ingibjörgu Ingu er stefnt að formlegri opnun 8. ágúst nk. (Bréfið lagt fram á fundinum).

**5. Önnur mál.**

- a) Eyrún nefndi að hún hafi reynt að ná sambandi við menntamálaráðherra vegna framhalds á dreifmenntunarverkefninu sem lauk á sl. ári. Það hafi ekki gengið eftir, en skv. þeim upplýsingum sem liggja fyrir er ekki til fjármagn til að halda verkefninu áfram að svo stöddu. Nauðsynlegt er að halda áfram að fylgja málinu eftir, þar sem allstaðar kemur fram að verkefnið hafi tekist mjög vel og staðið undir væntingum.

Fleira ekki tekið fyrir, fundi slitið kl. 17:30

\_\_\_\_\_  
Eyrún Ingibjörg Sigþórsdóttir

\_\_\_\_\_  
Bragi Geir Gunnarsson

\_\_\_\_\_  
Þuríður Ingimundardóttir

\_\_\_\_\_  
Arnheiður Jónsdóttir

\_\_\_\_\_  
Guðmundur Ingbór Guðjónsson

\_\_\_\_\_  
Ragnar Jörundsson